

Oan Doue :

Oan Doue a lamm pec'hedoù ar bed : ho peet truez doc'homp ! (bis)
Roit deomp ar peoc'h !

Kent ar gomunion :

*Ar beleg : Eürus ar re a zo galvet da bred santel an Oan.
Setu Oan Doue, an hini a lamm pec'hed ar bed :*

**R/ : Man Doue, ned on ket dign ma teet davedon,
met lârit ur ger hepken hag e vo aesaet din.**

Komunion :

1 Daet eo a lein an neañv,
Na pezh ur vadelezh
'Eit magiñ hon eneañv
Ha reiñ dezhi ar peoc'h.

2 Ô Jezuz, hor Salver,
Ni 'gred e gwirionez
Eh oc'h àr an Aoter
Hag 'vel den hag 'vel Doue.

4 Salver karantezus,
Resevet hon daeroù ;
Bet doc'homp trueus,
Pardonit hor faotoù.

6 C'hwi zo hor c'hoñfortañs
Er vro-mañ a dristez ;
C'hwi vo hor rekompañs
E rouantelezh an ne.

**Jezuz zo diskennet
'Eidomp àr an Aoter,
Adoromp get resped
Hon Doue lan a zouster.**

3 Ni a zeli krediñ
Deusto n'ho kwelomp ket ;
Hani n'hell fariñ
A p'hoc'h eus C'hwi komzet.

5 Bremañ, ô Doue santel,
E vennomp ho kariñ ;
Kentoc'h mil gwezh mervel
Aveit ho ofañsiñ.

'Eit kloziñ an oferenn :

Ar beleg : An Aotrou Doue genoc'h :

R/ : Ha get ho spered !

Ar beleg : Doue hollgelloudek d'ho pennigiñ :

An Tad, ar Mab hag ar Spered Santel.

R/ : Amen !

Ar beleg : Kerzhit e peoc'h hor Salver :

R/ : Bennozh da Zoue !

Kan-dibenn :

1 Dirak ho relegoù sakret,
Santez Anna, Rouanez hor bro,
Setu-ni c'hoazh ur wezh tolpet,
Tolpet 'eit lâret kenavo.

2 Mar hon kuita ho relegoù,
Ho krasoù geneomp a chomo
'Pad hon buhez en dañjerioù,
A lein an neañv, c'hwi hon gouarno.

3 Doc'h an daol santel liesoc'h
E tostaompda glask ar vuhez,
Ha kerzhet a reomp gredusoc'h
Àr an hent a gondui d'an ne.

Overennoù brezhonek : pep sul ketañ ar miz (10e30)

Overenn da zonet : 4 a viz Imbril (ebrel) (4/4/2021 - 10h30)

Parrez Ker Anna

3e Sul ar C'hoareiz

7 a viz Meurzh 2021

1^h lenn. : Erm 20, 1-17

2^l lenn. : Ko 1,12-25

Aviel : Yn 2,13-25

« *Ar gred evit ho ti am debro-me* »

Kan digor :

Mall-bras eo din, pec'hour,

Distroñ doc'h ma C'hroueour ! (2 wezh)

Ha c'hwi 'venn atav dispriziñ,
Bouezh ar C'hroueour, Mestr holl ar bed ?
Emañ gwerso doc'h ho kalviñ :
Chom a reet-c'hwi bouar bepred ?

Goude ma 'n deus Doue ho Kroueet
Dre vadelezh ha karantez,
Hañval 'vehe eh oc'h er bed
'Eit gober poan dezhañ bemdez !

Er stad ma 'n em gavet hiriv,
Eneañ dispartiet doc'h Doue,
Seblant e zo genoc'h bout bev,
Ha c'hwi 'zo marv e gwirionez.

Devat ho Toue, deit get glac'har
Hag 'n em daolit àr e galon :
Rak ho Tad eo, hag hep arvar
D'ar prodig e roy ar pardon.

Salud d'ar bobl :

*Ar beleg : Gras hor Salver Jezuz-Krist, karantez Doue an Tad
hag unaniezh ar Spered Santel, ra vint genoc'h-holl :*

Respont : Ha get ho spered !

Confiteor : Me anzav dirak Doue holl-gelloudek ha dirazoc'h, ma breudeur, am eus pec'het bras dre soñj, dre gomz, dre ober ha dre vank a ober : dre ma gwall, dre ma gwall, dre ma brasañ gwall.

Rak-se e c'houlennan get an Intron Vari bepred gwerc'hez, get an Aeled ha get an holl Sent, ha genoc'h-c'hwi, ma breudeur, pediñ Doue aveidon.

Kyrie

Lennadenn getañ : *En deizioù-se e lâras Doue an holl komzoù-mañ en ul lâret : «Me eo an Aotrou, da Zoue, en deus da dennet a vro-Ejipt, a di ar sklaved. N'az po ken Doue nemedon. Na zistagi ket anv an Aotrou, da Zoue, evit ket; ne vo ket*

kuit e-keñver an Aotrou an neb a zistago ma anv evit ket. Bez soñj a zeiz ar sabad evit e santelaat. Enor da dad ha da vamm evit beviñ pell àr an douar en deus an Aotrou, da Zoue, roet dit. Na vi ket multrer. Na vi ket avoultrer. Na vi ket laer. Ne zougi ket a faos-testoni a-enep da nesañ. Ne c'hoantai ket ki da nesañ, ne c'hoantai ket gwreg da nesañ nag e servitour, nag e vatezh, nag e ejon nag e azen, na netra a gement a zo dezhañ.». Setu komz an Aotrou Doue : **Bennozh da Zoue !**

Psalm 18 : Aotrou, geneoc'h emañ komzoù ar vuhez peurbadus.

Peurvat eo Lezenn an Aotrou, buhez evit an eneañv,
gwirion eo testoni an Aotrou, furnezh evit an dud eeun.

*Reizh eo gourc'hemennoù an Aotrou, levenez d'ar galon,
glan eo urzhioù an Aotrou, sklerijenn evit an daoulagad.*

Pur eo doujañs an Aotrou, divrall da holl viken,
gwirion eo divizoù an Aotrou, ken reizh an eil hag egile.

*Da c'hoantaat muioc'h evit an aour, evit aour fin e-leizh,
c'hwec'h aveit mel ar ruskenn, evit chug an terennoù.*

Cil lennadenn : Mam breuder, a pand eo ar Yuzevion é c'houlenn burzhudoù hag ar C'hresianed é klask furnezh, ni avat a bredeg ur C'hrist bet staget doc'h ar Groaz, skandal evit ar Yuzevion, follezh evit ar Jentiled; met evit ar re galvet, Yuzevion pe C'hresianed, emañ ar C'hrist galloud ha furnezh a Zoue. Rak follezh Doue a zo furoc'h evit furnezh an dud, ha gwannder Doue a zo kreñvoc'h evit kreñvder an dud. Setu komz an Aotrou Doue : R/ : Bennozh da Zoue !

Aviel :

Komz beurbadus ag an Tad : gloar deoc'h-C'hwi, Jezuz-Krist !

Komz beurbadus ag an Tad : gloar deoc'h-Chwi, hor buhez !

Ar beleg : An Aotrou Doue genoc'h : R/ : Ha get ho spered.

Ar beleg : Lennadenn ag an Aviel santel hervez St Maheù.

R/ : Gloar deoc'h-Chwi, ô Aotrou Krist !

'Vel ma tostae Pask ar Yuzevion, Jezuz a bignas da Jeruzalem. Kavet a reas en Templ ar werzherion ec'hen, deñved ha kloumed, hag an drokerion-moneiz en o c'hoazez. Ha goude bout graet ur fouet get kordaj, eñ d'o skarzhiñ holl er-maez ag an templ, int, o deñved hag o ec'hen; da strevelliñ moneiz an drokerion ha da chench penn d'o zaolioù. Ha d'ar werzherion koulmed e lâras : «Kasit kement-se ac'halemañ, ha na rit ket un ti-koñwerzh a di ma Zad.»

Neuze e tas soñj d'e zisiplad emañ bet skrivet : «Ar gred evit ho ti am debro-me.

Ar Yuzevion avat a savas o mouezh hag a lâras dezhañ : «Peseurt sin a ziskouezez deomp evit gallet gober kement-se ?» Ha Jezuz da respont ha da lâret dezhe : «Diskarit an Templ-mañ hag e-korf tri deiz me en adsavo.» Neuze ar Yuzevion a lâras : «C'hwec'h vlez ha daou-ugent en deus padet sevel an Templ-mañ, ha te en adsavo e-korf tri deiz ?» Met eñ a gomze a dempl e korf.

Neuze, pa oa adsavet a-douezh ar re varv, e taas soñj d'e zisiplad en devoe lâret an dra-se, hag int a gredas er Skritur hag er gomz bet diskleriet get Jezuz.

E-pad ma oa e Jeruzalem get gouel ar Pask, e kredas kalz en e anv, é welet ar sinoù a rae. Met eñ, Jezuz, ne fizie ket enne dre ma o anave holl, ha dre n'en devoa

ket dober en dehe bet roet unan bennak testoni dezhañ diàr-benn an den, rak eñ e-unan a ouie petra a oa e-barzh an den.

En dibenn : ar beleg : Setu Komz an Aotrou :

R/ : Meuleudi deoc'h, ô Aotrou Krist !

Kredo : Me 'gred e Doue, an Tad hollgelloudek, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, deuet a varv da vev an drivet deiz, pignet d'an neañv, hag azezet en tu dehoù an Tad, a-eno e teuy da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez beurbadus.

Pedenn hollbedel :

Aotrou, hon Doue, ô Tad Santel, selaouit hor pedenn !

Lid ar profoù : ar beleg : *Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :*

R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.

Prefas :

Ar beleg : An Aotrou Doue genoc'h :

R/ : Ha get ho spered !

Ar beleg : Hor c'halon d'an uhel :

R/ : Emañ troet trema Doue !

Ar beleg : Trugarekaomp hon Aotrou Doue :

R/ : Just ha santel eo !

Santel : Santel ! Santel ! Santel ! An Aotrou Doue, Mestr ar bed !

Lan eo get ho kloar an neañv hag an douar : **Hosanna e lein an ne !**

Ra vo benniget an hani az a e anv an Aotrou Doue : **Hosanna e lein an ne !**

Gorreoù : Ra vo meulet !

Hon Tad :

hag a zo en neañv, hoc'h anv ra vo santelaet,

Ho rouantelezh degaset deomp,

Ho vennantez ra vo graet àr an douar 'vel an neañv.

Roit deomp hiriv hor bara pemdeziek,

Pardonit deomp hor pec'hedoù,

'vel ma pardonomp d'ar re o deus pec'hed doc'homp,

Ha n'hon laosket ket da gouezh en tantasion

Met hon diwallit doc'h an droug.

Ar beleg : Plijet genoc'h, Aotrou Doue,... ha distro hor Salver Jezuz-Krist :

R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.

Lid ar peoc'h :

Ar beleg : Salver Jezuz-Krist... a-holl-viskoazh da virviken.

Peoc'h hor Salver a vo bepred genoc'h.

R/ : Ha get ho spered !